

Intesa - Intesa
INTESA
Bosna i Hercegovina
02

VISOKA ŠKOLA "CEPS - CENTAR ZA POSLOVNE STUDIJE", ulica Josipa bana Jelačića bb, Kiseljak, Bosna i Hercegovina, OIB: 4236509320002, zastupana po direktoru, Doc.dr. Mirzo Selimić

INTESA SANPAOLO BANKA DD BOSNA I HERCEGOVINA, adresa: **Milana Preloga 12A**, Sarajevo, država BiH, ID: 4200720670007, koju zastupa **Predsjednik Uprave Banke, Michele Castoro i član Uprave Minja Filipović**

zaključili su dana 04.02.2026. godine

SPORAZUM O SARADNJI

Član 1.

Ovaj Sporazum zaključuje se radi stručne, naučne, nastavne i svake druge saradnje Visoke škole "CEPS – Centar za poslovne studije" iz Kiseljaka i Intesa Sanaolo Banke d.d. BiH.

Zajednički cilj potpisnika ovog Sporazuma je podsticanje akademske saradnje, stručnog i naučno – istraživačkog rada, poboljšanje studentskog standarda kao i unaprijeđenje kvaliteta visokoškolskog obrazovanja.

Član 2.

Potpisnici ovog Sporazuma prihvataju saradnju u naučnim, stručnim i nastavnim područjima od obostranog interesa.

Član 3.

Saradnja potpisnika ovog Sporazuma uključuje:

- zajedničke stručne i naučne projekte,
- razmjenu informacija i izdavanje publikacija,
- organizovanje seminara, radionica i konferencija,
- organizacija studijskih posjeta,
- mogućnost obavljanja studentske prakse,
- upravljanje kvalitetom u području nastave,
- ostale aktivnosti od zajedničkog interesa.

Član 4.

Potpisnici Sporazuma zajednički će raditi na pripremi i sprovođenju različitih oblika projekata:

- razvojni projekti finansirani iz evropskih fondova,
- projekti koji se sprovode u saradnji s privredom.

Prava i obaveze koje proizlaze iz poslova navedenih u stavu 1. ovog člana regulisaće se posebnim sporazumom.

Član 5.

Potpisnici Sporazuma podstiće međusobnu razmjenu informacija i iskustava u primjeni naprednih metoda podučavanja i rada kojima se koriste u nastavnim procesima.

Potpisnici ovog Sporazuma će omogućiti svim zainteresovanim objavljivanje zajedničkih publikacija i to u obliku:

- naučnih i stručnih radova,
- udžbenika i knjiga,
- zbornika konferencija i časopisa,
- ostalih publikacija.

Član 6.

Potpisnici ovog Sporazuma će zajednički organizovati seminare, radionice i konferencije u srodnim područjima s ciljem transfera znanja i inovacija prema privredi.

Član 7.

Strane potpisnice Sporazuma će podsticati, omogućavati i doprinostiti organizovanju stručnih, kulturnih, sportskih i drugih društvenih aktivnosti studenata te međusobno sarađivati na povezivanju njihovih udruženja.

Član 8.

Strane potpisnice podstiće međusobnu saradnju u pravcu unaprijeđenja kvaliteta postojećih i razvoja novih studijskih programa prilagođenih okruženju i potrebama razvoja struke i tržišta rada. Posebna pažnja posvetit će se saradnji u razvoju normi unutrašnjeg vrednovanja unapređenja sistema osiguranja kvaliteta u obje institucije.

Član 9.

Potpisom ovog Ugovora Visoka škola "CEPS – Centar za poslovne studije" potvrđuje da je usklađen s mjerodavnim antikorupcijskim zakonodavstvom u BiH, te se obavezuje poštivati načela sadržana u relevantnom regulatornom okviru.

U slučaju neispunjenja ove ugovorne obaveze, Banka ima pravo zahtijevati prijevremeni raskid ugovora i naknadu štete koja iz toga može proizaći.

Svaka od strana se obavezuje dostaviti drugoj strani obavijest o svakom zahtjevu za isplatom novca ili zahtjevu kojim se traže neke druge pogodnosti u svrhu provođenja ili neprovođenja aktivnosti po ovom ugovoru, bez obzira na podnosioca/primatelja zahtjeva ili osobu koja ima saznanje o takvom.

Član 10.

Potpisom ovog Sporazuma strane se obavezuju da bitne informacije i zaštićene podatke u skladu sa propisima, do kojih dođu pri realizaciji, čuvaju kao strogo povjerljive u skladu sa pozitivnim propisima u BiH.

Sve povjerljive informacije/lične/osobne podatke, ukoliko do istih dođu prilikom ispunjavanja obaveza iz ovog Sporazuma, strane se obavezuju se obrađivati u skladu sa odredbama Zakona o zaštiti ličnih podataka u BiH. Strane se posebno obavezuju da će se u slučaju obrade ličnih podataka pridržavati svih principa obrade ličnih podataka utvrđenih relevantnim zakonom.

Odredbe Zakona o zaštiti ličnih podataka u BiH se imaju poštovati bez obzira na sve buduće izmjene i dopune ovog Sporazuma, kao i po prestanku istog.

Strane su saglasne i prihvaćaju da tokom poslovne saradnje ili u vremenu nakon nje, neće objavljivati, pružati, odavati, stavljati na raspolaganje ili učiniti dostupnima bilo koje povjerljive informacije i lične/osobne podatke nikome ko nije ovlašten službenik ili zaposlenik ili savjetnik druge strane (bilo kojoj trećoj strani, uključujući strane i domaće fizičke ili pravne osobe) angažirane za tu suradnju, bez prethodne pismene saglasnosti druge strane ili na temelju pravne ili regulatorne obaveze, naredbe ili zahtjeva koji je izdao nadležni državni organ. Obje strane se obavezuju poduzeti sve potrebne mjere kako bi osigurale da njihovi zaposlenici čuvaju tajnost povjerljivih informacija i ličnih podataka, koji za njih predstavljaju poslovnu tajnu. CEPS se obavezuje da sve podatke kojima tokom realizacije ovog Sporazuma ima pristup, a koji prema važećim zakonskim propisima u Bosni i Hercegovini imaju status bankovne tajne, čuva kao bankovnu tajnu.

Povjerljive podatke iz ovog Sporazuma niti jedna strana ne smije koristiti u komercijalne svrhe bez prethodne suglasnosti strane koja je otkrila podatke.

Strane se obavezuju da će postupati s Povjerljivim informacijama najmanje s istim stupnjem pažnje koji primjenjuju na svoje povjerljive materijale/informacije, ali ne sa manjim stepenom pažnje od onog utvrđenog pozitivni propisima koji regulišu ovu oblast.

Strane se obavezuje da će poduzeti sve potrebne mjere za ispunjenje svojih obaveza navedenih u ovom Sporazumu, te se obavezuju da će povjerljive informacije i lične podatke koristiti samo i isključivo za vrijeme trajanja ovog Sporazuma i to samo u onoj mjeri koja je potrebna za izvršenje svrhe ovog Sporazuma.

Povjerljive informacije i lične/osobne podatke primljene u okviru ovog Sporazuma strane neće mehanički ni elektronički kopirati, niti reproducirati na bilo koji drugi način bez izričitog pisanog odobrenja druge strane, osim ako te kopije nisu potrebne za svrhu navedenu u ovom Sporazumu.

Povjerljive informacije ostat će vlasništvo pojedine strane kojoj i pripadaju.

Osim ako je to izričito drugačije utvrđenom ovim Sporazumom, Sporazumom se ne daje niti podrazumijeva nikakva licenca, pravo intelektualnog vlasništva ili drugo pravo na bilo kojim povjerljivim podacima, odnosno ni ovaj Sporazum ni odavanje Povjerljivih informacija iz ovog Sporazuma ne smiju se tumačiti kao da jamče ikakvo pravo ili dozvolu, izričitu ili implicitnu, prema ikakvim izumima, patentima, autorskim pravima licencama, koja sada ili od sada pa nadalje posjeduju ili nadziru obje strane.

Potpisom ovog Sporazuma CEPS izjavljuje da je upoznat sa Etičkim kodeksom i potpuno prihvata principe poslovanja, vrijednosti i politike Intesa Sanpaolo Banke d.d. BiH dostupnih preko sljedećeg linka:

<https://intesanpaolobanka.ba/stanovnistvo/ko-smo-mi/drustvena-odgovornost.html>

<https://intesanpaolobanka.ba/en/stanovnistvo/ko-smo-mi/drustvena-odgovornost.html>

Potpisivanjem ovog Sporazuma, CEPS potvrđuje da je upoznat s time da su lični podaci druge Strane i/ili njenih zaposlenika, a koji se obrađuju u vezi s ovim Sporazumom, nužni za ostvarivanje prava i obaveza iz ovog Sporazuma i/ili za poduzimanje radnji prije njegovog zaključenja, te da će se obrađivati u skladu s važećim propisima o zaštiti ličnih podataka.

Potpisivanjem ovog Sporazuma, CEPS daje saglasnost da druga Strana može obrađivati i koristiti bitne informacije i zaštićene lične podatke do kojih dođe tokom realizacije ovog Sporazuma, isključivo u svrhu njegovog izvršavanja i u skladu sa Zakonom o zaštiti ličnih podataka u BiH. Podaci se mogu dostavljati samo subjektima koji su uključeni u realizaciju Sporazuma, stručnim saradnicima ili institucijama kojima postoji zakonska obaveza dostavljanja tih podataka.

Član 11.

Ovaj Sporazum se sklapa na neodređeno vrijeme i svaki potpisnik ga može otkazati bez navođenja razloga uz otkazni rok od 30 dana. Prekid sporazuma neće utjecati na prava nikoga tko je sudjelovao u suradnji prije objave prekida.

Pitanja međusobnog odnosa ugovornih strana koja se odnose na predmet ovoga Sporazuma, a nisu regulisana istim, urediće se posebnim izmjenama ili dopunama ovoga Sporazuma u pisanom obliku.


Član 12.

Objе strane ovog Sporazuma saglasne su da će eventualne sporove iz ovoga Sporazuma rješavati sporazumno, a ukoliko to ne bi bilo moguće za rješavanje sporova nadležan je sud u Sarajevu.

Član 13.

Ovaj Sporazum sastavljen je u dva (2) istovjetna primjerka, od kojih svaka strana zadržava po jedan (1) primjerak.

Direktor:



Doc.dr. Mirzo Selimić




Banka:



Michele Castoro, Predsjednik Uprave
Banke

Broj: 178 /26

Mjesto 05.02.2026 godine



Minja Filipović, član Uprave

Broj: HR-02-176/26

Sarajevo, 04.02.2026 godine

